



Broj: JN-05-01-16-4-6-9/19

Datum: 12.04. 2019. godine

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, br. 32/02 i 102/09) i člana 64. stav (1) tačka b), člana 70. stav (1), (3) i (6), člana 88. i člana 89. Zakona o javnim nabavkama („Službeni glasnik BiH“, broj: 39/14), a na Preporuku Komisije za nabavke, broj: JN-05-01-16-4-6-7/19 od 05.04.2019. godine, u postupku javne nabavke goriva, donosi sljedeću:

ODLUKU
o izboru najpovoljnijeg ponuđača za nabavku goriva

Član 1.

Prihvata se Preporuka Komisije za nabavke, broj: JN-05-01-16-4-6-7/19 od 05.04.2019. godine i Okvirni sporazum za nabavku goriva se dodjeljuje ponuđaču Hifa-Petrol d.o.o. Sarajevo, Hotonj bb, Vogošća, punuda broj: JN-731/19 od 04.04.2019. godine, za ponuđenu cijenu sa popustom 46.140,00 KM bez PDV-a, odnosno 53.983,80 KM sa PDV-om, kao najpovoljnijem ponuđaču.

Član 2.

Izabrani ponuđač je dužan dostaviti dokaze o kvalifikovanosti u skladu sa članom 45. stav (1) tačke a), b) c) i d) Zakona o javnim nabavkama u roku od 5 (pet) dana nakon što bude obavješten od strane ugovornog organa o rezultatima postupka nabavke.

Ukoliko izabarni ponuđač ne dostavi traženu dokumentaciju u određenom roku, ili je dostavi na nepropisan i nepotpun način, javna nabavka će biti poništena u skladu sa Zakonom o javnim nabavkama.

Član 3.

Okvirni sporazum za nabavku goriva će se zaključiti sa izabranim ponuđačem na period od jedne godine.

Član 4.

Ova Odluka objavit će se na web stranici Ministarstva (www.mhrr.gov.ba), istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Za izvršenje ove odluke se ovlašćuje i zadužuje Sektor za opšte, pravne i finansijsko-materijalne poslove Ministarstva za ljudska prava i izbjeglice BiH.

Član 6.

Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka nabavke goriva, broj: JN-05-01-16-4-6-1/19 od 19.03.2019. godine. Javna nabavka je provedena putem konkurentskog zatjeva za dostavu ponuda za nabavku goriva. Procijenjena vrijedost javne nabavke je 49,572,66 KM bez PDV-a, odnosno 58.000,00 KM sa PDV-om. Obavještenje o nabavci, broj: 679-7-1-2-3-3/19 od 20.03.2019. godine, objavljeno je na Portalu javnih nabavki. Komisija za nabavke imenovana je Odlukom, broj: 01-02-2-297-2/19 od 23.01.2019. godine.

Komisija za nabavke dostavila je ugovornom organu, ministrici za ljudska prava i izbjeglice BiH, Zapisnik o pregledu i ocjeni ponuda, broj: JN-05-01-16-4-6-6/19 od 05.04.2019. godine, Preporuku o izboru najpovoljnijeg ponuđača, broj: JN-05-01-16-4-6-7/19 od 05.04.2019. godine i Izvještaj o radu, broj: JN-05-01-16-4-6-8/19 od 05.04.2019. godine u postupku javne nabavke goriva.

U postupku, po Izvještaju o radu, utvrđeno je da je Komisija za nabavke blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku zaprimljene tri (3) ponude;
- da su blagovremeno zaprimljene tri (3) ponude;
- da je ponuda ponuđača Hifa-Petrol d.o.o. Sarajevo, kvalifikovana i prihvatljiva i da su dostavljeni svi traženi dokazi propisani Tenderskom dokumentacijom, na propisan način;
- da se ponuda:
 - Ponuđača Petrol BH Oil Company d.o.o. Sarajevo, isključuje zbog neispunjavanja uslova za kvalifikaciju i u skladu sa članom 68. stav 4. tačka i) Zakona o javnim nabavkama odbacuje se kao nepotpuna;
 - Ponuđača HOLDINA d.o.o. Sarajevo, isključuje zbog neispunjavanja uslova za kvalifikaciju i u skladu sa članom 68. stav 4. tačka i) Zakona o javnim nabavkama odbacuje se kao nepotpuna.

Petrol BH Oil Company d.o.o. Sarajevo

Ponuđač Petrol BH Oil Company d.o.o. Sarajevo u sklopu svoje ponude bio je obavezan da, u skladu sa Tenderskom dokumentacijom u tački 3.5, pod c) dostavi: „Potvrdu o kontroli kvalitete goriva izdata od certificiranog organa za kontrolu kvalitete goriva, a koja je izdata u 2019. godini.“ Ponuđač je u sklopu ponude dostavio Cerifikat o inspekciji, broj: 32/19 od 25.03.2019. godine i Izvještaj o inspekciji, broj: 32/19-A od 25.03.2019. godine, a koji se odnose na Dizel BAS EN 590. Uvidom u ponudu utvrđeno je da ponuđač nije dostavio iste dokaze i za Benzin BMB95- BAS EN 228, Premium bezolovni benzin 95.

Nadalje, ponuđač Petrol BH Oil Company d.o.o. Sarajevo u sklopu svoje ponude bio je obavezan da, u skladu sa Tenderskom dokumentacijom u tački 3.5, pod d) i e) dostavi:

d) Potpisan i ovjeren cjenovnik za gradove Sarajevo, Mostar, Banja Luka i Tuzla na dan 29.03.2019. godine. Cjenovnik potpisuje ovlašteno lice ponuđača (ili podugovarača), uz ovjeru pečatom ponuđača (ili podugovarača).

e) Prilog uz cjenovnik: OPC obrasci za benzinsku pumpu za grad Sarajevo, Mostar i Tuzla (kojim se potvrđuju cijene iz cjenovnika), dok se za benzinsku pumpu iz grada Banja Luke dostavlja ovjerena i potpisana Izjava pod punom moralnom, materijalnom i krivičnom odgovornošću za cijenu goriva za benzinsku pumpu u gradu Banja Luka na dan 29.03.2019. godinu - izjavu potpisuje ovlašteno lice ponuđača (ili podugovarača) uz ovjeru pečatom ponuđača (ili podugovarača).

Ponuđač je u sklopu ponude dostavio cjenovnik i OPC obrazac za benzinsku pumpu koja se nalazi na: Stup- Dobrinjska 1, Ilidža. Grad Sarajevo je jedinica lokalne samouprave koju čine četiri gradske opštine: Stari Grad, Centar, Novo Sarajevo i Novi Grad. Navedena lokacija pumpe ne spada u Grad Sarajevo, a što je traženo Tenderskom dokumentacijom.

Na osnovu naprijed navedenog, ponuda ponuđača Petrol BH Oil Company d.o.o. Sarajevo se isključuje zbog neispunjavanja uslova za kvalifikaciju i u skladu sa članom 68. stav 4. tačka i) Zakona o javnim nabavkama odbacuje kao nepotpuna.

HOLDINA d.o.o. Sarajevo

Ponuđač HOLDINA d.o.o. Sarajevo u sklopu svoje ponude bio je obavezan da, u skladu sa Tenderskom dokumentacijom u tački 3.5, pod c) dostavi: „Potvrdu o kontroli kvalitete goriva

izdata od certificiranog organa za kontrolu kvalitete goriva, a koja je izdata u 2019. godini.“ Ponuđač je u sklopu ponude dostavio Cerifikat o inspekciji, broj: 030-1/19 od 31.01.2019. godine i Izvješće o inspekciji, broj: 13-030/19 od 31.01.2019. godine, a koji se odnose na Dizel BAS EN 590. Uvidom u ponudu utvrđeno je da ponuđač nije dostavio iste dokaze i za Benzin BMB95- BAS EN 228, Premium bezolovni benzin 95.

Nadalje, ponuđač HOLDINA d.o.o. Sarajevo je u okviru ponude dostavio Aneks V – Izjava o ispunjenosti uslova iz člana 47. Zakona o javnim nabavkama. Uvidom u izjavu utvrđeno je da ista nije ovjerena pečatom ponuđača, a kako je propisano u samoj izjavi, koja je sastavni dio Tenderske dokumentacije i obavezna je u ponudi.

Na osnovu naprijed navedenog, ponuda ponuđača HOLDINA d.o.o. Sarajevo se isključuje zbog neispunjavanja uslova za kvalifikaciju i u skladu sa članom 68. stav 4. tačka i) Zakona o javnim nabavkama odbacuje kao nepotpuna.

U postupku donošenja ove Odluke, posebno su cijenjene činjenice da je Komisija za nabavke, pravilno i potpuno, izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministrica za ljudska prava i izbjeglice BiH nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija za nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija: „najniže cijene“ utvrđenoj u Obavještenju o nabavci i Tenderskoj dokumentaciji.

Naziv i sjedište ponuđača		Kriterij -najniža cijena (Ukupna cijena ponude sa popustom i bez PDV-a)
1.	Hifa-Petrol d.o.o. Sarajevo	46.140,00 KM

Na osnovu naprijed navedenom, a u skladu sa članom 64. stav (1) tačka b) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.

Dostaviti:

- Ponuđačima,
- Sektoru za opšte, pravne i finansijsko-materijalne poslove
- a/a.

